



¿Andisĩ nóteru
xáni jakiia
respetu?

Para MÉXICO KA CENTROAMÉRICA
Congregación Cristiana
de los Testigos de Jehová, A.R.
Apartado Postal 895
06002 Ciudad de México
México

Exentaakajtsí lista ma iámindu
direksionicha jingoni ixú
www.jw.org/tsz/nena-karani-o-uandani.

Respetu k'amakurhixatiia. Kasi nóteru
nema xarhatasíndia respetu, jimbosí
enga nema xarhatajka, k'uiripuechaksí
ísku pakarasíndi.

Pori ejemplu, uánikua k'uiripuechaksí
nóteru respetarisíndia imeeri taati jém-
beechani, imeechani engaksí jatiriikia,
polisiechani, patroni ka maestruechani.
Ístu, k'uiripuechaksí imani ambe karasín-
di redesi sosialicharhu enga no sáni
xarhatajka respetu. Ka artikulu ma rebis-
teeri *Harvard Business Review*, uandasín-
di eska ambantku xarharasínga eska
nóteru jarhaskia respetu. Ka ístu uanda-
síndi eska “desde iónisíia nóteru jarhas-
kia”.



¿Uékapirintsí eskaksíni nema
p'orhembepiringa o eskaksíni nema
jorhendapiringa Biblieri ambe?

Exe je www.jw.org

o karachijtsíni je ma indeni
direksionicha jimbo engaksí
karhakua jaka.

INI NÚMERU REBISTEERI


¿Andisĩ nóteru xáni jakiia respetu?



• Máteruecha jimbo



• Tsípikuarhu



• Familiarhu



• Ma mismu jimbo



¿Andisĩ nóteru xáni jakiia respetu?

ANDISĨ XÁNI JUKAPARHAKUE RESPETARIUANI MÁTERUECHANI

*Respetu úsindi eska ma no seguiriuaka ikiani
ka eska no sánderu k'éjkuaka problemani ma.*

- Bibliarhu anapu karakata ma uandasĩndi: “Enga mókuntskua tekaantskua jingonijka kénditasĩndi ikiatapuni, peru uandakua engu no sési p'ikuastpejka úsindi eska néna sánderu ikiauaka” (Proverbios 15:1). Engu ma no respetu jingoni uandajka ni jámani, inde ambe ísíisti komueska sánderu chkari jatsijpani chpirirhu. Ka inde ambe úsindi eska problema ma sánderu no sési k'amarhuaka.
- Jesúsi uandaspti eska: “K'uiripu ma uandasĩnga ambe engu xáni mintsitarhu jatsijka” (Mateu 12:34). Engachi no respetu jingoni uandontskuarhekuaska máteruechani, jamberi jindeeti jimbokachi k'éri problema ma jatsiska ka ini ambe jimbo xarhatani japiringachi eskachi no májkueni exeasĩnga k'uiripuechani jimbokaksĩ ménderueni irekaska eska jucha, o jimbokaksĩ máteru raseeska, o máteru p'indekuechani jatsiani o máteru paishi jimbo anapueni. Ísí jimbo, juchachisĩ jatsipiringa para mójtakuni na engachi eratsejka.

Enkuesta ma enga íásĩ nótki xáni íóni únhaaka jukari 32,000 k'uiripuecheeri 28 paísi jimbo, xarhatasti eska 65 % k'uiripuecha nóteru xáni respetu xarhatasíngia nijtu sési jánguechani.

AMBE ENGAJTSĨ UAAKA ÚNI

Náki uéjki k'uiripu ma jingoni engajtsĩ uandontskuarheni jauaka, jánguarhi je respetu jingoni kámani, asta imeechani jamberi engaksĩ no májkueni eratseaka eska chá. Imeeri ambe uandontskuarhi je engajtsĩ tsimarhani tsitia-ka, ísĩjtsĩ no jámaaka jurgariuani máteruechani ni arhinchaani.

📖 “Ásteru jáma jeia no sési ambe exekuani máteruechani parajtsĩ chájtu no no sési ambe exeminhani” (Mateu 7:1).

Ísĩ kaa je máteruechani eskajtsĩ na uékapiringa eskaksĩni kámapiringa chánksĩni. Engajtsĩ sési uandontskuarhekuaska máteruechani ka jurhimbikua jingoni, jamberiksĩni imeechajtu májkueni kámaati.

📖 “Ístu, ísĩ kaa je máteruechani eskajtsĩ na uékapiringa eskaksĩni kámapiringa chánksĩni” (Lukasĩ 6:31).

Listu ja je para puátspentani. Ménichani k'uiripuechaksĩ no uékaparini uandasĩndi o úni ambe ma. Ísĩ jimbo, enga nema uandaska o úni ambe engaksĩni no sési p'ikuastaa-ka, tekaakunta je.

📖 “K'uiripuéri jánhaskakua jarhuatasĩndi p'ínguni imeeri ikiatapuni, ka kánikua sési ambe úsĩndi enga no jatanhetsipijka” (Proverbios 19:11).

PARAJTSĨ SÁNDERU MÍTENI

Enga nema jorhendanhaajka kurhunhiani máteru k'uiripuechani kánikua úkua jukancha-sĩndi respetariijpni. Exe je néna engaksĩ tsimani k'uiripuecha jorhenguarihika respetariuani máteruechani nájkiruka-ksĩ imani paísiicha jimbo anapueka engaksĩ enemigueka. Incha je jw.org jimbo ka exe je bideuni ¿Káni andaa ambakiti uékperakua kurhunh-perakuani?





→ AMBE ENGACHI JEobaERI TESTIGUECHA ÚJKA

Nani uéjkichi irekani o ánychikuarhini, Jeobaeri testiguechachi iáminduechani respetariuasínga ka jarhuataasíngachi máteruechani parakaksí májkueni uaaka.

Iáminduechanchi p'ímarhiasínga parakaksí jorhengarhiaka Biblieri ambe gratisi, joperuchi no méni úsínga eskaksí máteruechajtu afuersa jakajkuaka ka ísíksí eratseni eska jucha. Sánderu sési, ísí eska na uandajka Biblia “iatsitakuarhu ka kánikua janhanharhikua jingoni” uandontskuarhekuasíngachi máteruechani ambe engachi jakajkujka (1 Pedru 3:15; 2 Timoteu 2:24).

Nóchi nemani menusi úsínga. Juchaari tánguarhikuecharhu tsípikua jingonchi jiókaasínga imani k'uiripuechani engaksí uéjka jorhengarhini Biblieri ambe nani uéjkisíksí anapueni. Jánguarhintasíngachi kurhangukuani máteruechani ka ‘janhanharhiani iámindu jásí k'uiripuechani’ (1 Pedru 2:17).

Kurhajchaasíngachi juramutiichani jimeesísi engachi jucha irekaka (Roma 13:1). Kurhajchaasíngachi leichani ka maiampiasíngachi impuestuechani. Ka nájkirukachi no inchamukujka politikarisí, respetariuasíngachi máteruecha engaksí uéjka ísí úni.



¿Andisĩ nóteru xáni respetarinhajkia tsípikuani?

ANDISĨ XÁNI JUKAPARHAKUE ESKACHI RESPETARIUAKA TSÍPIKUANI

Imani ambe úni engajtsĩni no sési úchiaka ka p'amenchatani xarhatasĩndi eskachi no respetariisĩnga juchaari tsípikuani ka nijtu máteruecherini.

- Sigarru itsutani no solu *úsĩndi* eska ma kánseri p'iuaka, sino ístu eska juchaari kuerpu no uaaka kuájpikuarhini indeni p'amenchakueri. Ma 90% engaksĩ kánseri jimbo uarhijka jindeesĩndi jimbokaksĩ itsutasĩreenga oksĩ jimeesĩsĩ jarhani engasĩ itsutanheenga.
- Mándani uéxurhini uánikua k'uiripuechaksĩ no sési úkuarhinchasĩndi tiroteuecha jimbo. Aianhperakua ma engasĩ Universidad de Stanford (Estados Unidos) úka, uandasĩndi: “Exenhasĩ eska asta ima k'uiripuecha engaksĩ no no sési úkuarhinchajka [tiroteuecharhu engaksĩ eskuelecharhu jarhajka] ióni jamberiksĩ no sési p'ikuarhenhisĩndi”.
- Engasĩ nema kauirini o drogadu manejarini jarhajka niárasĩndi peligrú máeni para imeecha engaksĩ karreterarhu ísĩ nirani jarhajka o xanharani jarhani. Uánikuechanksĩ no sési úkuasĩndi jimbokaksĩ no sání respetarisĩnga tsípikuani.



PARAJTSÍ SÁNDERU MÍTENI

Óskari Serpasi enga antesi pandiia ma jimbo jámeenga, no sáni respetarísireendi imeeri tsípikuani nijtu máteruecheri. Exe je néna engaksí Jeobaeri testiguedha jarhuataka mójtakukuarhini. Incha je pájinarhu jw.org jimbo ka arhinta je artikuluni “Jandiajkuni jirinhakuarhixapka uarhikua”.

AMBE ENGAJTSÍ UAACA ÚNI

Kuidarikuarhi je parajtsí no p’amenchani. Útasijtsí uaaka nóteru itsutani, ni bapearini, nijtu kauini o droga ambe úrani. I no sési járhati p’indekuechaksí no sési úkusíndi chaari kuerpuni ka xarhatasíndiksí eskaksí no respetariisínga máteruecheri tsípikuani nijtu chaari familiani.



“Ju je jurajkuni iámindu indeni ambe enga jájkujka juchaari kuerpuni” (2 Korintu 7:1).

Jukaparhara je chaari seguridadini ka máteruecherini. Paraka no no sési ambe úkuarhiaka chaari k’umanchikuarhu, sési jatsi je ambe. Jingontku manejari je ka exe je eska karru sési jauaka. Así kurhajchaa je máteruechani engaksíni arhini jauaka eskajtsí imani ambe uaaka engaksíni no sési ambe úchiaka o engajtsí jimbo uaaka uarhini.



“Engari k’umanchikua ma uaaka, jatsiskari para karhakua barda sapichu ma jatsirhukuni iámu uirhipandani. Para no chiiti k’umanchikua kulpa jatsini enga nema niáraska uarhini jimboka jima uératini uékorhintaska” (Deuteronomio 22:8).*

Sési kaa je máteruechani. Ístuchi xarhatasínga eskachi jukaparharasínga tsípikuani engachi sési kaajka máteru k’uiripuechani. Náki uéjkiksí raseeni, nani uéjkiksí anapueni, na uéjkiksí xáni jatsíkuaririini oksí eskuela jatsini. Jimboka enga ma menusi újpijka o kurhunhpini, inde ambesí újti eska no sési kámberanhaaka ka guerra ambe jarhani.



“Así jáma je jatanhekuani máteruechani, así jáma je no sési jásí ikiani, así jáma je ikiani, así jáma je uinchataspini ka así jáma je no sési p’ikuastpeni ka ístu así jáma je no sési útsipini. Sándere sési, sési kámbera je” (Éfesu 4:31, 32).

* Inde juramukua enga Mediu Orienterhu japka, xarhataspti eska kánikua jukaparhakeska eska no p’amenchaaka familia ka ni máteru k’uiripuecha.

→ AMBE ENGACHI JEOBAERI TESTIGUECHA ÚJKA

Jarhuataasīngachi k'uiripuechani paraksī jurajkuni imani ambe eng no sési úkuajka.

Engachi Biblieri ambe jorhendaajka imani k'uiripuechani engaksī antesi bisiuechani jatsiapka, jarhuataasīngachi paraksī jurajkuni imani ambe eng no sési úkuauenga ka únksī mójtakurhini.

Juchaari konstruksioniicharhu jarhastiksī juramukuecha parachi no sési úkuarhinchani.

Imeecha engaksī jarhuajpejka konstruksionirhu paraksī uani k'umanchikuechani parachi tanguarhini, jorhendanhasindiksī paraksī sési ánkikuarhini ka no ma ambeksī úkuarhinchani. Inde k'umanchikuecha engaksī únha, someni exenhani janhasīndi paraksī ísī jauaka eska jimeesīsī anapu leicha na uandajka.

Jarhuajpesīngachi nani eng desastresi ambe jarhajka. Nótka xáni ióniisti eng juchaari organisasioni, ma uéxurhini jimbojku,

jarhuataaka imani k'uiripuechani engaksī ma 200 desastresiicha jimbo no sési úkuarhinchaka íamu parhakupinirhu. Sáno 12 miioni dolarichi úraska para jarhuataani imani k'uiripuechani engaksī no sési úkuarhinchaka.

Enga birusi eng arinhajka Ébola ueenapka no sési útpini África Occidentali (2014 jimbo) ka ístu República Democrática del Congo (2018 jimbo), Jeobaeri testiguechachi uánikua k'uiripuechani jorhendaaska néna jámani paraksī no kérikuarhini. Axaaspkachi máru k'uiripuechani parakaksī nitamatarapinga arhijsikperata ma eng arhinheenga “La obediencia salva vidas”. Jatsispkachi nani engachi úpiringa jupajkukuarheni ante de inchani imani lugariicha jimbo engachi tanguarhijka. Ístuchi exeraaspka na eng xáni jukaparhakueka jupajkuni ka imani ambe úni eng uétarhijka para no kérikuarhini.

Sierra Leona, radiu ma jimbo aianhperakua ma etsakunhaspti eng felisitariupka Jeobaeri testiguechani jimbokaksī jarhuataaspka imeeri relijionirhu anapuechani ka ístu máteru k'uiripuechani parakaksī mítepiringa nema jámani para no kérikuarhini birusini eng arinhajka Ébola.

Lugari ma para jupajkuni K'umanchikua Reinuerirhu Liberia jíani eng birusi Ébola japka 2014 jimbo





¿Andisĩ nóteru xáni jakiia respetu familiarhu?

ANDISĨ XÁNI JUKAPARHAKUE RESPETU FAMILIARHU

Enga respetu jarhajka familiarhu sési p'ikuarherakuarhisindi, acheeti, uarhiiti ka sapiichaksĩ seguru p'ikuarherasindi.

- Libru ma enga arhinhajka *Siete reglas de oro para vivir en pareja* arhisindi eska engaksĩ temungurhiriicha respetarijperajka, xénchperakuaksĩ xarhatatsperani jarhajti “nájkiruka sapichitu ambe jingontkueuaka” (Sonia Tapia Sánchez Tradusiriisti).
- Estudiuechaksĩ xarhatasindi eska engaksĩ sapiicha jorhengarhijka respetariuani máte-ruechani sánderuksĩ sési p'ikuarherasindi, sánderuksĩ sési pájperasindi taati jémbeechea jingoni ka sikolojikamenti nóksĩ xáni p'amenchani.

AMBE ENGAJTSĪ UAAKA ÚNI

Uandontskuarhi je familia jingoni iiri ambe. Primeru, sési kurhangu je ambeeski respetu xarhatani. Segundu, karakata jurajku je ambe enga uaaka úni mándani fami-liarhu anapu, ka ístu ambe enga no sési jaka úni. Terseru, uandontskuarhi je inde temeeri ambe parakaksĭ íámindue-cha miteaka nénaksĭ uaa respetu xarhatatsperani.

📖 “Sési nikuati imani enga ánychikuarhiriika enga sési eratsentaaka ambe enga uaaka” (Proverbios 21:5).

Ejemplu jingoni jorhendaa je. Úpiringajtsĭ kurhamarhi-kuarhini: “¿P’índeski juchiiniu anapuechani arhinchaani engaksĭ no sési ambe újka? ¿Teresmarhuasĭni imani ambe jimbo engaksĭ uandaaka? Engareni nema uandonts-kuarhechini jarhajka ¿no kasu úkusĭni o jámasĭni jirejiresĭ inchajpaatani ambe ma?”. Miá je eska chásĭ orheta jatsika para respetariuani máteruechani.

Konseju: Jánguarhi je miáni eskajtsĭ chásĭ jatsika para xarhatakuni respetu chaari uarhiitini ka sapiichani, ka no eskaksĭ imasĭ jatsika para *andakuarheni*.

📖 “Chá ueena je janhanharhiani máteruechani” (Roma 12:10).

Xarhata respetu nájkirukari no de akuerdu jauaka.

Asĭ jáma je uandani, “Eske t’u méntkisĭ...” o “Eske t’u no méni...”. lini járhati uandakuechaksĭ uaati no sési p’íkuastani chaari familiani ka úni eska sapichitu ambe, k’éri problema ma úkuarhiaka.

📖 “Enga mókuntskua tekaantskua jingonijka, kéndi-tasĭndi ikiatapuni, peru uandakua enga no sési p’íkuastpejka úsĭndi eska nema sánderu ikiauaka” (Proverbios 15:1).



PARAJTSĪ SÁNDERU MÍTENI

Joseph Ehrenbogen kánikua no sési kámasĭreendi imeeri fa-miliani ka droga ambe úrasĭ-reendi, peru ueenaspti Biblieri ambe jorhenguarhini Jeobaeri testiguecha jingoni ka íásĭ sán-deru sési kámasĭndia imeeri fa-miliani. Parajtsĭ míteni néna úkuarhiski i ambe incha je páji-narhu jw.org jimbo ka arhin-ta je artikuluni “Aprendí a respetar a las mujeres y a respetar mi vida”.

→ AMBE ENGACHI JEOBAERI TESTIGUECHA ÚJKA

Jeobaeri testiguechachi jorhendaasinga fami-
liechani eskaksĩ respetarijperaaka. Juchaari
publikasionichaksĩ someni uandasĩndi inde te-
meeri ambe, libruucharhu, foietuecharhu ka
bideuecharhu, ka iáminduksĩ gratisiisti.

PARA TEMUNGURHIRIICHA: Exe je partini
“**Jarhuajperata para familiauecha**” i ambe
marhuakuauati acheeti ka uarhiitiichani
paraksĩ...

- ... jorhenguahini kurhajchperani.
- ... no jámani nóteru uandajperania.
- ... nóteru no sési arhirperania.

(Incha je pájinarhu jw.org ka kara je jima enga jindeeka
para jirinhantani “Jarhuajperata para familiauecha”).

PARA TAATIICHA: Exe je partini “**Jarhuajpera-
ta para familiauecha**” i ambe jarhuatauati
taatiichani paraksĩ jorhendaani imeeri sapii-
chani paraksĩ...

- ... kurhandirani.
- ... jarhuajpeni k’umanchikuarhu.

- ... “porfabori” ka “diosmaiamukua”
arhipini.

(Incha je pájinarhu jw.org jimbo ka kara je jima enga
jindeeka para jirinhantani “Sapiichani jorhendaani” o
“Sapiicha engaksĩ adoloesenteka”).


Ístu exe je apendiseni “Los padres preguntan” indeni li-
bruni jimbo *Lo que los jóvenes preguntan. Respuestas
prácticas* (volumen 1) (incha je pájinarhu jw.org ka
kara je jima enga jindeeka para jirinhantani “Los padres
preguntan”).

PARA TUMBIICHA: Partirhu para “**Tumbiicha**”
enga jw.org jimbo jaka, jarhastiksĩ publikasio-
niicha, bideuecha ka mámaru ambe enga
uaaka jarhuataani tumbiichani paraksĩ...

- ... sési pájperani taati ka ermanu
jémbeeche jingoni.
- ... respetu jingoni uandontskuarheni
taati jémbeeche jingoni ima reglecheeri
engaksĩ jatsikukuajka.
- ... taati jémbeeche uaaka mintsinharhiani.

(Incha je pájinarhu jw.org jimbo ka kara je jima enga
jindeeka para jirinhantani “Tumbiicha”).

Pájina jw.org gratisiisti. Engajtsĩ úraaka nójtsĩ ma
ambe maianhpeaka, no uétarhiati apuntarikuarhini
ni rejistrarikuarhini, nijtuksĩni kurhachea nombri o
máteru ambe.





¿Andisĩ k'uiripu nóteru xáni respetarikuarhijka?

ANDISĨ JUKAPARHAKUE RESPETARIKUARINI

Ima k'uiripu enga respetarikuarhijka úsindi uandanhiateecha jingoni orhepani uérani. Ka úsindi tekaantani.

- Imeecha engaksĩ iiri ambe estudiarijka, uandantasĩdiksĩ eska k'uiripu ma enga eratsejka eska no ma ambe úsinga sési úni, sánderuksĩ sóntku niárasĩni ini ambe p'amenchani komu: jukari uandanhiani, depresioni, kánikua t'ireni o jukari sántku. Ístuksĩ sánderu sóntku niárasĩndi bisiu ambe jupikani komu kauini, ísku jatini medikamentu ambe arhani ka droga ambe úrani.
- K'uiripu ma enga respetarikuarhijka no terukukuarhintasĩndi máteruecha jingoni, jimbo-ksĩsĩ újti sánderu sési pájperani máteruecha jingoni ka ambakiti amiguechani jatsiani. Joperu ima k'uiripu enga no sáni respetarikuarhijka, sánderuksĩ tsitisĩndi arhinchpeni. Ini ambe jimbo, nóksĩ úsindi sési pájperani máteruecha jingoni.
- Ima k'uiripu enga respetarikuarhijka sánderuksĩ uinhapiti jarhasĩndi enga uandanhiateechani jatsiajka; no ma ambe ójkutasĩndi para kumplirini imeecheeri meteechani. Peru para ima k'uiripu enga no respetarikuarhijka, enga ambe ma no sési uérakuaka, sóntku desanimarikuarhisĩndi ka nóteru jánguarhintania úni ambe ma.



PARAJTSĪ SÁNDERU MÍTENI

Israel Martínez menuši p'ikuarherasĩreendi máteruecha jingoni, jimboka probriispka ka no xáni ióni niraspti eskuela. Peru jimboka ueenaspka nirani tánguarhikuecharhu ka jorhenguarihini Jeobaeri testiguetcha jingoni, nóteru ísĩ p'ikuarherasĩreen-dia. Parajtsĩ exeni imeeri eksperiensia incha je pá-jinarhu jw.org ka exe je artikuluni “Nóteruni k'uratsesĩguia”.

AMBE ENGAJTSĪ UAACA ÚNI

Imani amiguechani erakua je engaksĩni jarhuataaka. Imeecha jingoni kúnguarhi je engaksĩ respetu xarhatajka, engaksĩ uandanhiauaka cháńksĩni jimbo ka ambakiti ambeksĩni jorhendani.

“Ambakiti amigu ma méntkisĩ uékpisĩndi, ka ermanu máesti enga andajpenuka para jiáni enga uandanhiaata jauaka” (Proverbios 17:17).

Jarhuataa máteruechani. Engari sési kámpiska ka ambakiti ambe úni máteruechani jimbo, asta imeecha jimbo engaksĩni no uaaka májkueni ambe jimbo jarhuataani, kánikuari sési p'ikuarheraaka. Nájkiruka ísĩ xarharaaka enajkikini no nema agradaserijki ima ambe jimbo engari sési újka.

“Ma sánderu sési p'ikuarherasĩndi intsĩmpini ka eska intsĩmbinhani” (Úkuecha 20:35).

Jarhuataa je chaari sapiichani paraksĩ jorhenguarihini respetarikuarhini. Ma engaksĩ uaaca úni jindeesti jurajkuani eskaksĩ jandiajku sési peentauaka máru imeecheeri proble-meechani nani engaksĩ jamberi uaaca. Inde ambe jorhendauati parakaksĩ uaaca orhepani uérakuani uandanhiaateechani. Ístuksĩ jorhenguarihiaati respetarikuarhini ka inde ambe kánikua marhuakuauati engaksĩ k'ériuakia.

“Jorhenda sapini náki jindeeski ambakiti xanharu, nájkiruka jatiriuakia no jurajkuati indeni xanharuni” (Proverbios 22:6).

→ AMBE ENGACHI JEobaERI TESTIGUECHA ÚJKA

Tánguarhikuecha ka ambe engaksí jorhentpijka Jeobaeri testiguecha, jarhuataasíndi k'uiripuechani paraksí sánderu sési irekani ka i ambe kánikua marhuasíndi paraksí sánderu respetarikuarhini.

MÁNDANI SEMANA ANAPU TÁNGUARHIKUECHA

Mándani semana juchaari tánguarhikuecharhuchi kurhaasín-gachi arhijsítkperatechani engaksí Bibliarhu p'itakateeka. Jimachi jorhendanhasínga konsejuechani engajtsíni jarhua-tajka parachi respetarikuarhini. Né uéjki úsíndi nirani ju-chaari tánguarhikuecharhu ka no ma maianhpesíndi. Pori ejemplu, jimaitsí jorhenguarhiaka arhini ambe...

- ... andijtsísí chá jukaparhakue para Tata Diosí.
- ... néna míteni andichisí irekani jaki.
- ... néna jatsiani ambakiti amiguechani ka íóni jamberi.

Jimari exeantauaka ambakiti amiguechani engaksí meru uandanhiajka máteruecha jimbo (1 Korintu 12:25, 26).

Parari sánderu míteni juchaari tánguarhikuecheri ambe, incha je pájinarhu jw.org ka exe je bideuni ¿Nénaksí úkuarhisíni juchaari tánguarhikuecha?

ESTUDIU BIBLIKU

Gratisichi jorhendaasínga k'uiripuechani Biblieri ambe úrapa-rini libruni *Tsipikua jingoni ireka je*. I libru úraasíndi kurha-marhikuechani enga újka eska k'uiripu eratsentaaka ka úni sési kurhanguani Bibliarhu anapu tekstuechani. Ístu no úkua jukasti na enga eksplikarijka ka jarhastiksí ambakiti bideue-chaksí ka sési járhati imajeniicha. Biblieri ambe jorhenguarhi-ni jarhuataasíndi k'uiripuechani paraksí sánderu sési p'íkua-rherani ka sánderu sési irekani.

Engajtsí uéjka sánderu míteni nénaksíni uaa jarhuatani jorhenguarhini Biblieri ambe Jeobaeri testiguecha jingoni, incha je pájinarhu jw.org jimbo ka exe je bideuni ¿Andisí uétarhijki jorhenguarhini Biblieri ambe?



¿Andisĩ nóteru xáni jakiia respetu?

Ini número rebisteeri ;*Tsínharhi!*

- Andisĩ jukaparhakue xarhatani respetu
- Chá néna uaa xarhatani respetu
- Ambeksĩ úxaki Jeobaeri testiguecha para jarhuatani k'uiripuni xarhatani respetu



Késku je gratisi
ini rebistani ka
engaksĩ antesi
uérika



Arhinta je Bibliani
internetirhu;
jarhastiksĩ jukari
250 idiomeecha
jimbo

Exe je pájina
jw.org internetirhu
o eskaniari je
kodiguni



924.1-TFS
240627